

Una calidadi differenti de is sentidus nostus e de sa sessualidadi nosta

de Amos Cardia

S'articulu de su 14 de gennaxu de Paolo Stella Casu (de imoi a innantis Pàulu - [*Per noi uomini essere femministi non è naturale*](#)) pigat unas cantu chistionis de importu mannu, chi podit serbiri a si nci stentai, ca podint essi un'ocasioni bona de arrexonamentu e de crescimentu po totus.

Cumintzeus de sa fotografia de s'articulu: *real men are feminists*. Unu cartellu in d-una manifestada est a marolla una bessida lestra, unu strumbullu po fai pensai, una fràsia crutza po ndi bogai a pillu una chistioni chi agoa bolit torrada a pigai cun assèliu, cun totu su tempus po dda segai a fini cumentis si spetat.

Ma ita bolit nai òminis berus?

Pàulu fait s'arrexonamentu suu, po circai de cumprèndi chi is òminis berus siant o no siant feministas e po circai de cumprèndi ita bollat nai po un'òmini a essi feminista, ma at lassau a banda un'atra chistioni manna chi imoi bieus. A nai *òmini beru* sentidu tenit? Ita iat a bolli nai *beru*? Ca chi chistionaus de *òminis berus* insaras depeus pensai chi s'agantint *òminis frassus* puru... E cumentis iant a essi custus? E su pròpiu *fèminas beras* e *fèminas frassas*... Su feminismu prus modernu, stesiau de su poderi de chini cumandat, stesiau de is *fèminas* de su poderi e totu, s'at imparau propiamenti a arrefudai is mollus. Donniuna e donniunu est cumentis est e cumentis bolit essi, no ca depat essi a marolla de una manera po essi *bera* o *beru*. Giai sempri candu calancuna o calancunu ndi bogat is mollus de is òminis berus e de is *fèminas beras* est ca tenit interessu a chi s'aus cumentis praxit e serbit a issa o a issu e no cumentis praxit e serbit a nosu. No est a agatai atrus sentidus - mancai adelantaus po tzivilidadi - po essi apretziaus cumentis òminis berus, est a arrefudai paris, de fundamentu, sa bidea chi nci potzant essi òminis berus o frassus. De sinunca seus torrendisi' a si incortiri a solus in su presoni de is mollus. Custu est unu pensamentu no de mei feti, ma de milli e milli e milli *fèminas* e òminis in totu su mundu, cumentis si contant issus e totu. Ligeus, po nai, ita narat Stefano Ciccone po cust'impunna mala de chistionai de òminis berus:

È interessante la scelta comunicativa della campagna del *fiocco bianco*, indirizzata alle scuole italiane nel 2007, perché indice di una strategia di contrasto della violenza molto diffusa e al tempo stesso carica di ambiguità: il messaggio fa infatti appello al fatto che *i veri uomini non picchiano le donne*. La scelta comunicativa ha una sua efficacia proprio nel riferirsi a un modello condiviso per invertirne il senso.

Ma quanto rischia di confermare ai ragazzi l'idea di essere portatori di una potenziale violenza da dominare virilmente anziché proporre loro di mettere in discussione la rappresentazione che hanno della sessualità maschile e delle relazioni tra donne e uomini? ... Non mi interessa una prospettiva tesa a ridefinire un ordine che interdica "il naturale istinto predatorio maschile" o ne regoli l'espressione ma esplorare, reinventare e rivivere le forme del desiderio maschile ... Abbiamo dunque scelto di superare la facile condanna o il richiamo degli uomini a uno sforzo di dominio su se stessi ... considerando invece necessario ricercare una diversa qualità della nostra sessualità e della nostra emotività. Su questo nodo è necessaria una parola di verità che non fugga nell'astrazione politica o sociologica ma che parta da ognuno di noi ... È innanzitutto ricerca di libertà e di senso per la mia vita¹.

Ma ita bolit nai feminismu?

Sighendi s'articulu, di acòrdiu cun Pàulu ca a essi feministas no bolit nai a nci pigai parti de foras, ma a su contras bolit nai a bivì de una manera e no de un'atra, e custu balit po dònna cosa de sa vida. Ma iat a essi serbiu a incrarai ita bollat nai a essi feministas e de cali feminismu seus arrexonendi, ca su fueddu pigau a solu oramai bolit nai totu e nudda, bolit nai cosa tropu, ddoi intrant is fèminas capitalistas burghesas e is fèministas comunistas proletàrias, ddoi intrant, po nai, feministas de su poderi chi sciopant a bombas atrus pòpulus e feministas de atrus pòpulus chi morint a suta de is bombas de cuddas atras feministas e totu. Candu unu fueddu pigat aici cosa meda, e custu balit po totu is fueddus, bolit nai ca est spacendisì' e, cumentì ddi nant in sa semiòtica, sa scèntzia de is sinnus e de is sentidus de is fueddus, *il significante sta perdendo il significato*. Po torrai a bolli nai calancuna cosa, a custu nòmìni - feminismu - tocat a ddi ponni a marolla un'agetivu - po nai, feminismu intersetzionali - e intza' fait a arrexonai. Sa cosa stravanada est ca s'agetivu iat a depi essi un'aciunta e duncas sa sustàntzia iat a depi essi in su nòmìni e no in s'agetivu, ma sigumentì ca su nòmìni s'est spaciau, sa sustàntzia incapas dda fait totu s'agetivu.

Su corpus: spraxaussì' totus!

E beneus a su corpus, atra chistioni de importu mannu meda chi Pàulu ndi fait un'arresùmìni craru meda narendi *la politica passa attraverso i corpi*. Beridadi manna chi iat a tocai a studiaì e a imparai in is scolas cumentzendi de sa pipiesa e totu, ma cramenti no est cosa chi tengat interessu a fai sa scola de su Stadu italianu. Aici, a dolu mannu, si ddu imparat sa vida ma de custa manera ddoi est a chini ddu cumprendit luegus, a chini trigadiu e a chini

¹ STEFANO CICCONE, *Essere maschi. Tra potere e libertà*, Rosenberg & Sellier, Torino, 2009, pp. 25-30.

mai, cun totu su dannu chi ndi sighit. Po arrexonai de custu fatu iat a serbiri no un'atru articulu a posta, ma librus e librus, chi difatis s'agatant e po cussu no mi nci stentu deo innoi. Incapas, po si ingustai, unu paràgrafu sa chistioni si dda minescit su pròpiu, duncas ligeus pagu pagu a Diana Torres, una fèmina chi chistionat a craru, ma craru meda diaderus:

Quando una inizia a conoscere meglio il suo corpo e la quantità di cose che ci si possono fare, si produce uno spavento per la quantità di cose che sono proibite, emarginate ... Scoprire la propria sessualità significa anche scoprire fino a che punto ciò che chiamiamo *il nostro sesso* non ci appartenga affatto. Appartiene alla norma etero, alla società dei consumi, alla società dello spettacolo, allo Stato, alla chiesa, al patriarcato, alla pornografia mainstream, alla medicina, alle case farmaceutiche, alla moda, a una lunga lista in cui il tuo nome non è incluso. Per questo ho deciso che il mio corpo e il mio sesso dovevano essere miei, visto che sono io ad alimentarli, a vivere con loro, a godere dei loro piaceri e a soffrire dei loro dolori ... Solo così si può dire: almeno in casa mia comando io ... Per quale motivo qualcuno dovrebbe venire a dare ordini nelle mie mutande²?

De sa pròpiu manera, fintzas a candu no pigu logu a nisciunus, poita calancuna iat a depi benni a cumandai a mei po cumentu mi depu setzi? Cun custa pregunta arribaus a un'atra chistioni chi pigat Pàulu, su *manspreading*, donendiddi segundu mei prus importu de su chi no tengat. Est unu fueddu chi ant imbentau po nai su costumu de unus cantu mascus de si spraxi in is logus setzendisi' a cambas sparruncadas. Andat mali chi unu pigat su logu chi est de is atrus, ma costumus malus aici ndi tenint fèminas medas puru, chi mancu po nudda dd'ant imbentau su fueddu po issas puru, su *shebagg*, est a nai su costumu de arrimai sa busa in su logu de is atrus, pighendisiddu. Insandus cumentu dda poneus? Est cosa grai eja, ma no sessuali, est mancàntzia de arrespetu sotziali, ca is òminis chi ddu faint ddu faint contras a atrus òminis puru, e su pròpiu is fèminas contras atras fèminas puru. Sigheus a imbentai fueddus nous po circai sentidus sexualis? A calancuna cosa serbit? In su mundu seus tropus, nant is scentziaus de s'ecologia e nci bolit pagu a ddu cumprendi nosu puru, ma in Sardìnnia seus pagus e su logu est mannu, nci capeus totus beni meda. Sa libertadi no est de s'ànima feti ma de su corpus puru, pigheussi' totus - òminis e fèminas - sa postura prus de saludi o comuncas prus de gosu po nosu. Seus totu sa vida cumbatendi po chi is fèminas si potzant setzi cumentu ddis parit e praxit a issas, chi nci at logu e chi bolint a cambas sparruncadas puru, foras de timoria patriarcali, e imoi a custa libertadi nci depeus arrenuntzias totus? Chi a calancunu o a calancuna ddu o dda strobat, bastat a chi castit a atra parti e biveus totus in paxi.

² DIANA J. TORRES, *Pornoterrorismo*, Malatempora (Associazione Culturale Golena), Roma, 2014, p. 33.